



PERDANA
LEADERSHIP
FOUNDATION
Y A Y A S A N
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Utusan Malaysia
Date	2 October 2015

PM kunjung Ekspo *um - 2/10/2015* Dunia Milan 2015 hari ini

KUALA LUMPUR 1 Okt. - Perdana Menteri, Datuk Seri Najib Tun Razak dijadual mengadakan pertemuan dengan pelabur dan peneraju industri Eropah menerusi kunjungan ke Ekspo Dunia 2015 di Milan, Itali selama dua hari bermula esok.

Menurut kenyataan Kementerian Luar, Perdana Menteri bakal mengadakan pertemuan tersebut dalam Mesyuarat Meja Bulat yang bertujuan mengukuhkan kerjasama ekonomi antara Malaysia dan negara-negara lain terutama di benua Eropah.

"Malaysia telah dijemput untuk menyertai Ekspo Dunia 2015 di Milan yang berlangsung dari 1 Mei hingga 31 Oktober 2015.

"Ekspo berkenaan yang membawa tema *Feeding the Planet, Energy for Life* bertujuan menangani cabaran dunia dalam memastikan sumber makanan yang selamat, mencukupi, berkhasiat, serta mampan dalam menyumbang ke arah kehidupan yang sihat dan produktif tanpa menjejaskan keperluan generasi akan datang," kata kenyataan tersebut hari ini.

Tambah kenyataan itu, Malaysia telah memilih tema *Towards a Sustainable Food Ecosystem* bagi mempromosikan Malaysia sebagai sebuah negara yang progresif dan berwawasan dalam memastikan pembangunan yang mampan menjelang tahun 2020.

"Kunjungan Perdana Menteri akan diiringi oleh Menteri Perdagangan Antarabangsa dan Industri, Datuk Seri Mustapa Mohamed dan Menteri Pelancongan dan Kebudayaan, Datuk Seri Mohamed Nazri Abdul Aziz serta pegawai-pegawai kanan kerajaan," katanya.